

四庫全書

經部

欽定四庫全書

經部

日講春秋解義卷三十五  
六

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官主事臣張培

謄錄監生臣周雲翮

欽定四庫全書

日

春秋解義卷二十五

文公

十年春王三月辛卯臧孫辰卒

臧孫曾之名大夫也知柳下惠之賢而不與立自

莊公未已與聞國政四十餘年魯政多疵安在其

為賢哉

夏秦伐晉

左傳十年春晉人伐秦取少梁夏秦伯伐晉取北徵少

杜注馮翊夏陽縣今陝西韓城縣南有少梁城北徵古鄉國今陝西澄城縣西南有古城

晉舍適嗣而外求君罪也既而悔之正矣秦不顧義理是非報復不已且結楚以為援致晉人力疲於西楚人逞志於南庸蕭陳鄭圍滅相繼中國之屈於楚秦為之也故伐晉不稱人第舉號以黜之楚殺其大夫宜申

左傳初楚范巫齋似齋似范邑之巫謂成王與子玉子西曰三

君皆將強死城濮之役王思之故使止子玉曰毋死

不及止子西子西縊而縣絕

在僖二十八年

王使適至遂止

之使為商公

商杜注楚邑上雒商縣今屬陝西商州

泚漢泚江將入郢

泚順流  
泚逆流

王在渚宮下見之懼而辭曰

子西舍卒見王而懼以辭謝王

臣免于死又有讒言謂臣將逃臣歸死于司敗也

陳楚

名司寇  
為司敗

王使為工尹

掌百工之官

又與子家謀弑穆王穆

王聞之五月殺闕宜申及仲歸

仲歸子家  
不書非卿

宜申謀弑穆王而稱國以殺不去其官何哉曰穆

王者即楚世子商臣也而春秋之義微矣

自正月不雨至于秋七月

穀梁傳

歷時而言不雨文不閔雨也不閔雨者無志乎

民者也

歷時總書不雨言雨不雨皆漫不繫於公心也

及蘇子盟于女栗

女栗杜注地名闕

左傳七月及蘇子盟于女栗頃王立故也

僖十年狄滅溫蘇子

奔衛今復見者蓋王復之

蘇子來盟王使之也頃王新立不能修明王度以朝諸侯而乃使大夫盟魯辱也故諱而書及及者我所欲也其不書公為公諱也襄王喪葬公未嘗往頃王既立公又不朝乃與王臣要盟臣子之義安在哉故諱之

冬狄侵宋

狄歷侵諸國猶未及宋至是見侵蓋乘宋亂且料晉之不能救也

楚子蔡侯次于厥貉

厥公羊作屈厥貉杜注地名闕當在今河南項城縣

左傳陳侯鄭伯會楚子于息冬遂及蔡侯次于厥貉將

以伐宋

陳鄭及宋廩子不書者宋鄭執卑苟免為楚僕任受役于司馬廩子恥之遂逃而歸三君

失位降爵故不列于諸侯宋鄭猶然則陳侯必同也

宋華御事曰

華御事華元之父楚

欲弱我也先為之弱乎何必使誘我我實不能民何

罪乃逆楚子勞且聽命遂道以田孟諸

孟諸杜注宋大數也在梁

國睢陽縣東北在今河南商丘縣東北

宋公為右孟鄭伯為左孟

孟田僎陳

名期思公復遂為右司馬子朱及文之無畏為左司



馬

期思杜注弋陽期思縣在今河南固始縣西北復遂期思公名子朱無畏皆楚大夫將獵張兩甄故

置左司馬二人分于左右以右司馬一人居中命夙駕載燧宋公違命無畏

扶其僕以徇

燧取火者扶捷也

或謂子舟曰國君不可戮也

子舟無畏字

子舟曰當官而行何強之有詩曰剛亦不吐

柔亦不茹

詩大雅美仲山甫不辟強禦

毋縱詭隨以謹罔極

詩大雅詭

隨心不正者罔無極中也

是亦非辟強也敢愛死以亂官乎

為宣十四

年宋人殺子舟張本

厥貉之會麋子逃歸

為明年楚子伐麋傳

次者欲進而不前之意楚將伐宋而不果故書次

以著其包藏禍心欲憑陵諸夏而未遂也楚子侵  
伐書爵其勢益張而諸侯畏之也蔡侯首附楚故  
序於楚下以示譏書爵者斥言以罪其人也

十有一年春楚子伐麋

麋公羊作圉  
楚始書君將

左傳

十一年春楚子伐麋成大心敗麋師于防渚

防渚杜注

麋地今湖廣房縣

潘崇復伐麋至于錫穴

錫穴杜注麋地今湖廣鄭陽府治

厥貉之會麋子逃歸蓋見宋陳鄭以大國公侯而  
受役於楚司馬故恥於失列而去之以傳考之

一敗於防渚再迫於錫穴而不聞與楚成所謂與民守之效死而民弗去者也春秋不書麋子之逃而獨書楚子伐麋聖人之情見矣

夏叔仲彭生會晉卻缺于承筐

公羊穀梁無仲字筐作匡承筐杜注宋地在陳

留襄邑縣今河南睢州西有故城北大夫特相會之始

左夏叔仲惠伯會晉卻缺于承筐

惠伯即彭生謀諸侯之

從于楚者

九年陳鄭及楚平十年宋聽楚命

是會謀諸侯之從楚未為非義然大夫專會以謀

國事諸侯之政大夫擅之矣故謹而志之

秋曹伯來朝

左傳秋曹文公來朝即位而來見也

曹文公即位九年

諸侯世相朝禮也曹伯即位來朝常事爾然不先如京師故書之以見失尊王之義也曹本服宋自晉文執曹共公以畀宋人遂不與諸侯之事蓋晉方惡曹宋遂挾為私屬也至是晉政中衰曹文公嗣立遂自附於魯而後此復列於諸侯之會盟

公子遂如宋

左傳

襄仲聘于宋且言司城蕩意諸而復之

八年意諸來奔歸不

書史失之

因賀楚師之不害也

前年楚次厥貉將以伐宋

魯聘宋者八蓋始於此是時頃王立已三年且使蘇子來盟公既不朝又不遣聘而亟修禮於宋其悖甚矣

狄侵齊

冬十月甲午叔孫得臣敗狄于鹹

鹹杜注魯地

傳左鄆瞞侵齊

鄆瞞狄國名漆姓在夏為防風氏殷為汪芒氏

遂伐我公卜使

叔孫得臣追之吉侯叔夏御莊叔縣房甥為右富父

終甥駟乘

侯叔夏縣房甥富父終甥皆魯大夫駟乘四人共車

冬十月甲午

敗狄于鹹獲長狄僑如

僑如鄭瞞之君蓋長三丈

富父終甥搃其

喉以戈殺之

搃猶銜也

埋其首于子駒之門

子駒魯郭門骨節非常恐

後世怪之故詳其處

以命宣伯

得臣待事而名其三子因初宋名宣伯曰僑如以旌其功

武公之世鄆瞞伐宋

在春秋前

司徒皇父帥師禦之而班

御皇父充石公子穀甥為右司寇牛父駟乘以敗狄

于長丘

皇父戴公子充石其名酈班穀甥牛父皆宋大夫長丘杜注宋地在今河南封丘縣東

獲長狄緣斯

緣斯僑如之先

皇父之二子死焉宋公于是以

門賞酈班使食其征謂之酈門

皇父與穀甥及牛父皆死故酈班獨受賞

門關門  
征稅也

晉之滅潞也

在宣十

獲僑如之弟焚如齊襄

公之二年

魯桓十

鄭瞞伐齊齊王子成父獲其弟榮

如埋其首于周首之北門

榮如焚如之弟以魯桓公十六年死至宣十五年一

百三歲其兄猶在傳言既長且壽有異于人王子成父齊大夫周首杜注齊邑濟北穀城縣東北有周首

亭在今山東東阿縣東北

衛人獲其季弟簡如

伐齊退走至衛見獲鄭瞞由

是遂亡

長狄之種絕

公羊傳狄者何長狄也兄弟三人一者之齊一者之魯

一者之晉其之齊者王子成父殺之其之魯者叔孫得臣殺之則未知其之晉者也其言敗何大之也一敵

人而言敗以狄長大非一人所能敵興師動衆然後殺之如大戰然故就其事言敗其日何大

之也如約日大戰其地何大之也如據地大戰何以書記異也

殺梁傳不言帥師而言敗何也直敗一人之辭也一人

而曰敗何也以衆焉言之也言其力足以敵衆傳曰長狄也



弟兄三人佚宕列國

佚更也宕擾也

瓦石不能害叔孫得臣

最善射者也射其目身橫九畝

廣一步長百步為一畝九畝五丈四尺

斷其首而載之眉見于軾

兵車之軾高三尺三寸

然則何為不

言獲也曰古者不重創不禽二毛故不言獲為內諱

也

既射其目又斷其首是重創非古道故諱之

其之齊者王子成父殺之

則未知其之晉者也

十餘年之間狄四侵齊而侵魯宋者各一今得臣

出其不虞而敗之自是始有懼心其勢少戢不言

帥師將尊師少也不曰戰者內勝之辭也不言獲  
長狄僑如賤之也

附錄

左傳邾大夫朱儒自安于夫鍾國人弗徇

安處也夫鍾杜注邾

邑徇順也為明年邾伯來奔傳

十有二年春王正月邾伯來奔

邾公羊作盛

左傳十二年春邾伯卒邾人立君

大夫自安于外邑故

大夫以夫

鍾與邾邾來奔

邾邾杜注邾邑

公以諸侯逆之非禮也

非公叛

人故書曰邾伯來奔不書地尊諸侯也

既尊以為諸侯故不復見

其竊邑之罪所以深責魯也

公羊傳盛伯者何失地之君也何以不名兄弟辭也

義見

僖二十年邵子來朝傳

諸侯失地皆名其不名者非其自取也莊八年郕降于齊師自是入齊為附庸今又來奔蓋為齊所偪耳春秋不名恕之也

杞伯來朝

左傳杞桓公來朝始朝公也且請絕叔姬而無絕昏公

許之

不絕昏立其婦以為夫  
人不書來歸未筭而卒

二月庚子子叔姬卒

左傳

二月叔姬卒不言杞絕也

既許其絕故不言杞

書叔姬言非

女也

女未嫁而卒不書

公羊傳

此未適人何以卒許嫁矣婦人許嫁字而筭之

死則以成人之喪治之其稱子何貴也其貴奈何母

弟也

穀梁傳

其曰子叔姬貴也公之母姊妹也

同母姊妹

其一傳

曰許嫁以卒之也

已別據一說以叔姬時許嫁故書其卒

男子二十而

冠冠而列丈夫三十而娶女子十五而許嫁二十而

嫁

禮女子許嫁而卒即為長殤有服引此以明許嫁而卒之意

叔姬曰子蓋時君之女以別於先君之女也女子

適人必係國叔姬字未嫁也

夏楚人圍巢

巢杜注吳楚間小國廬江六縣東有居巢城今江南廬州府巢城西巢湖即其處

左傳楚令尹大孫伯卒成嘉為令尹

成嘉若敖曾孫子孔

羣舒叛

楚

羣舒杜注偃姓舒庸舒鳩之屬廬江南有舒城西南有龍舒按今江南舒城廬江二縣之境皆羣舒

地夏子孔執舒子平及宗子遂圍巢

平舒君名宗巢二國皆舒之屬

書稱巢伯來朝則巢之建國久矣王道不行小國困於彊暴不得保其社稷書圍巢者惡楚之不仁而小國之無所庇賴也

秋滕子來朝

左傳秋滕昭公來朝亦始朝公也

曹祀滕相繼來朝以魯為秉禮之國也文公乃不思述職有闕而越再朝之期覲禮不修不亦悖乎

秦伯使術來聘

術公羊作遂

左傳秦伯使西乞術來聘且言將伐晉襄仲辭玉

玉圭璋也

禮聘義云以圭璋聘已聘而還圭璋今聘禮方行而辭玉不與秦之伐晉也

曰君不忘先

君之好照臨魯國鎮撫其社稷重之以大器寡君敢

辭玉對曰不腆敝器不足辭也主人三辭賓答曰寡

君願徼福于周公魯公以事君不腆先君之敝器使

下臣致諸執事以為瑞節

節信也周禮大宗伯以玉作六瑞以等邦國是也

要結好命所以藉寡君之命結二國之好是以敢致

之襄仲曰不有君子其能國乎國無陋矣厚賄之

公羊傳

遂者何秦大夫也秦無大夫

秦楚吳越之國不書其大夫

此

何以書賢繆公也何賢乎繆公以為能變也其為能

變奈何唯譏譏善靖言俾君子易怠而況乎我多有

之

譏譏淺薄之貌靖猶撰也易怠輕慢也

唯一介斷斷焉無他技其心

休休能有容是難也

秦將為河曲之戰故以賄結魯而魯亦厚賄之是

相與以利也歸襚稱人此稱君大夫蓋漸進之術



不氏未命之卿來魯皆書名也遣聘者康公也而傳以為賢繆公朱子謂公羊穀梁未見國史觀此

類可知

冬十有二月戊午晉人秦人戰于河曲

河曲杜注在河東蒲坂縣南今

山西蒲州東南陽有故城

左傳秦為令狐之役故

年在七

冬秦伯伐晉取羈馬

羈馬杜注

晉邑在今山西蒲州南

晉人禦之趙盾將中軍荀林父佐之

代先

克卻缺將上軍

代箕鄭父

史駢佐之

代林父

欒盾將下軍

欒枝

子代先蔑

胥甲佐之

胥臣子

范無恤御戎

代步招

以從秦師

于河曲史駢曰秦不能久請深壘固軍以待之從之

秦人欲戰秦伯謂士會曰

晉士會七年奔秦

若何而戰對曰

趙氏新出其屬曰史駢必實為此謀將以老我師也

趙有側室曰穿

側室交子穿趙夙庶孫

晉君之壻也有寵而弱

不在軍事

未嘗涉知軍事

好勇而狂且惡史駢之佐上軍也

若使輕者肆焉其可

肆暫往而速退也

秦伯以璧析戰于河

十二月戊午秦軍掩晉上軍趙穿追之不及反

上軍不動

趙寧獨追之秦軍速退故不及怒曰裹糧坐甲固敵是求敵至不擊

將何俟焉軍吏曰將有待也穿曰我不知謀將獨出

乃以其屬出宣子曰秦獲穿也獲一卿矣時穿為散卿如前卻

缺之未秦以勝歸我何以報乃皆出戰交綏司馬法有軍行

不及是古名退軍為綏秦晉兵未及爭而兩退故曰交綏秦行人夜戒晉師曰兩

軍之士皆未慙也明日請相見也慙缺也史駢曰使者

目動而言肆懼我也將遁矣目動心不安言肆聲放失常節薄諸河

必敗之胥甲趙穿當軍門呼曰死傷未收而棄之不

惠也不待期而薄人于險無勇也乃止

謀泄故不行  
為宣元年故

胥甲秦師夜遁復侵晉入瑕

公羊此偏戰也何以不言師敗績敵也曷為以水地

以水地者以水之曲折為地名意謂水曲  
甚多疑不足以定地之名如戰泓不言曲河曲疏矣

河千里而一曲也

幾千里而始一曲則為河曲有  
幾故水亦可以定地之名也

穀梁不言及秦晉之戰已亟故畧之也

亟數也戰必  
有曲直以一

人主之二國戰關數曲直  
不可得詳故畧不言及

凡戰皆以主及客秦為令狐之役積忿不已又為

是戰曲在秦故不云晉及不書敗績交綏而退無勝負也

季孫行父帥師城諸及鄆

鄆公羊作運後同杜注城陽姑幕縣南有員亭即鄆也今

山東沂水縣北鄆城是按此為東鄆成四年城鄆為西鄆乃在東平州

左城諸及鄆書時也

穀梁稱帥師言有難也

帥師而城畏莒故也鄆莒邑而介於魯城非其所  
有慮莒必爭於是乎以兵往諸魯邑也而近於鄆

故竝以師城

十有三年春王正月

附錄左傳

十三年春晉侯使詹嘉處瑕以守桃林之塞

詹嘉

晉大夫賜其瑕邑令帥衆守桃林以備秦桃林杜注在弘農華陰縣東潼關地理通釋自潼關至函谷歷陝華二州地俱謂之桃林塞今陝西華陰縣以東河南靈寶縣以西皆是也

夏五月壬午陳侯朔卒

附錄左傳

晉人患秦之用士會也

以前年士會為秦畫計故夏六卿相

見于諸浮

諸浮杜注晉地

趙宣子曰隨會在秦賈季在狄難

日至矣若之何中行桓子曰

中行桓子荀林父也僖二十八年始將中行故

以為

請復賈李能外事且由舊勲

有執僇之舊勲

卻成子曰

賈季亂且罪大

殺陽處父故

不如隨會能賤而有恥柔而

不犯

不可犯以不義

其知足使也且無罪乃使魏壽餘偽以

魏叛者以誘士會執其帑于晉使夜逸

魏壽餘畢萬之後帑壽餘

子請自歸于秦秦伯許之履士會之足于朝

躡士會足欲使

行秦伯師于河西

將取魏

魏人在東壽餘曰請東人之

能與夫二三有司言者吾與之先

欲與晉人在秦者共先告喻魏有司

使士會士會辭曰晉人虎狼也若背其言臣死妻子

為戮無益于君不可悔也

辭行示已無去心

秦伯曰若背其

言所不歸爾帑者有如河乃行繞朝贈之以策

繞朝秦大夫

夫策馬槌

曰子無謂秦無人吾謀適不用也

示已覺其情

既濟

魏人譟而還

喜得士會

秦人歸其帑其處者為劉氏

士會堯後

劉累之裔別族復累之姓

邾子蘧蔭卒

穀梁作蘧蔭

左傳邾文公卜遷于繹

繹杜注邾邑在今山東鄆縣東南

史曰利于民



而不利于君邾子曰苟利于民孤之利也天生民而樹之君以利之也民既利矣孤必與焉左右曰命可長也君何弗為邾子曰命在養民死之短長時也民

苟利矣遷也吉莫如之

左右以一人之命為言文公以百姓之命為主一人之命

各有短長不可如何百姓之命乃傳世無窮故卒徙之

遂遷于繹五月邾文公

卒君子曰知命

自正月不雨至于秋七月

大室屋壞

大公羊作世

傳左秋七月大室之屋壞書不共也

傳公羊世室者何魯公之廟也周公稱大廟魯公稱世

室羣公稱宮此魯公之廟也曷為謂之世室世室猶

世室也世世不毀也

魯公始封之君故不毀

周公何以稱大廟

于魯封魯公以為周公也周公拜乎前魯公拜乎後

始受封時拜于文王廟也

曰成王始授其茅土之辭

生以養周公死以為周

公主

如周公死當以魯公為祭祀主

然則周公之魯乎曰不之魯也

封魯公以為周公主然則周公曷為不之魯欲天下

之一乎周也

周公德至重功至大嫌之魯恐天下過心趨向之所以一天下之心于周室

魯祭周公何以為牲周公用白牡

白牡殷牲也周公死有王禮譙不敢

與文武同也

魯公用騂牝

騂牝赤脊周牲也魯公以諸侯不嫌故從周制以脊為差羣

公不毛

不毛不純色所以降于尊祖

魯祭周公何以為盛

盛菜盛也在器

曰周公盛

盛者謂新穀滿其器

魯公燾

燾者冒也下故而上冒以新也

羣公廩

康謂全用故穀上少有新穀相連而已

世室屋壞何以書譏何譏爾久

不修也

穀梁傳

大室屋壞者有壞道也譏不修也大室猶世室

也周公曰大廟伯禽曰大室羣公曰宮禮宗廟之事

君親割

割牲

夫人親春

春樂盛

敬之至也為社稷之主而

先君之廟壞極稱之志不敬也

極稱言屋壞不復依違其文

魯以周公為始祖祀於大廟伯禽為昭之第一室

親盡當毀魯人以其始封不祧其主以為世室文

公怠慢廟久不葺當恒暘之時而屋自壞不恭甚

矣更造不書者雖用民力不可已也

冬公如晉衛侯會公于沓

會下公羊無公字沓杜注地闕

狄侵衛

晉不能霸以啓戎心故狄因衛侯之出乘閒侵之  
書之以病晉也

十有二月己丑公及晉侯盟

公還自晉鄭伯會公于棐

還上公羊穀梁無公字棐公  
羊作斐杜注鄭地即棐林今

河南新鄭縣東  
林鄉城是也

左冬公如晉朝且尋盟

尋八年衛  
雍之盟

衛侯會公于沓請

平于晉公還鄭伯會公于棐亦請平于晉公皆成之

衛鄭戴于楚長  
晉故因公請平

鄭伯與公宴于棐子家賦鴻雁

子家鄭大

夫公子歸生也鴻雁詩小雅義取侯伯哀恤寡  
有征行之勞喻鄭國寡弱欲使魯侯還晉恤之

季

文子曰寡君未免于此

言亦同有  
微弱之患

文子賦四月

四月詩小

雅義取行役踰時思歸  
祭祀不欲為之還晉

子家賦載馳之四章

載馳詩  
鄭風四

章以下義取小國有  
急欲引大國以救助

文子賦采薇之四章

采薇詩小  
雅取其豈

敢定居一月三捷許  
為鄭還不敢安居

鄭伯拜

謝公為行

公答拜

公羊還者何善辭也何善爾往黨衛侯會公于沓至

得與晉侯盟反黨鄭伯會公于斐故善之也

黨所也  
所猶時

齊人語也

穀梁還者事未畢也自晉事畢也

諸侯將朝于天子豫相會禮也今文公朝晉而往  
返會衛鄭之君非禮也然三國皆無貶辭者蓋衛  
鄭不忘晉霸而介魯以求通春秋善其棄異即同  
故詳志之

十有四年春王正月公至自晉

附錄左傳

十四年春頃王崩子匡立周公閱與王孫蘇爭政

故不赴凡崩薨不赴則不書禍福不告亦不書懲不

敬也

欲使怠慢者戒

是歲頃王崩公既盟晉還又與鄭會久於道路而不臨不賻不奔故書至以著之王崩不書未赴也

邾人伐我南鄙叔彭生帥師伐邾

左傳邾文公之卒也

在前年

公使弔焉不敬邾人來討伐

我南鄙故惠伯伐邾

魯以七年伐邾取須句邾人不能報至是乘公如



晉伐我南鄙不知公之既至也兵未反魯復報之  
邾子卒未一年居喪而伐人與伐人之喪皆罪也  
夏五月乙亥齊侯潘卒

左傳子叔姬妃齊昭公生舍叔姬無寵舍無威公子商

人驟施于國

商人桓公子驟數也

而多聚士盡其家貸于公有

司以繼之

家財盡從公及國之有司富者貸

夏五月昭公卒舍即位

附錄左傳

邾文公元妃齊姜生定公二妃晉姬生捷菑文

公卒邾人立定公捷菑奔晉

六月公會宋公陳侯衛侯鄭伯許男曹伯晉趙盾癸酉

同盟于新城

新城杜注宋地梁國穀熟縣西在今河南商丘縣西南

左傳六月同盟于新城從于楚者服且謀邾也

從楚者陳鄭宋

謀邾謀納捷筭

穀梁傳同者有同也同外楚也

同盟于新城諸侯既散復合同外楚也時楚勢益彊諸侯畏懼欲依晉以自固載書要言與齊桓盟  
幽事雖異而所以為同一也趙盾主盟不以先諸

侯君臣之分也

附錄左傳

秋七月乙卯夜齊商人弑舍而讓元

元商人兄齊惠公也

書九月從告七月無乙卯日誤

元曰爾求之久矣我能事爾爾不可

使多蓄憾

不為君則恨多

将免我乎爾為之

秋七月有星孛入于北斗

左傳有星孛入于北斗周内史叔服曰不出七年宋齊

晉之君皆将死亂

後三年宋弑昭公五年齊弑懿公七年晉弑靈公案是時此星在角

由杓入斗自北而入晉居北齊宋居晉東故三國當之斗數七故云不及七年

公羊傳

孛者何彗星也

狀如彗彗者掃故置新之象

其言入于北斗

何北斗有中

北斗天之樞機玉衡七政所出中者魁中

何以書記異也

穀梁傳

孛之為言猶弗也

弗星亂臣之類

其曰入北斗

北斗貴星人君

之象斗有環域也

據孛于大辰及東方皆不言入此言入者見斗有

規郭入其魁中也有星者不當有而有北斗天之

三辰綱紀星也孛得入之其變大矣宋先代之後

齊晉天子方伯乃中國之紀綱而三君皆違道失

德故當其應天之示人切矣

公至自會

晉人納捷菑于邾弗克納

公羊作接菑

左傳晉趙盾以諸侯之師八百乘納捷菑于邾

八百乘六萬人

言力有餘邾人辭曰齊出糴且長

糴且定公

宣子曰辭順而弗

從不祥乃還

公羊傳納者何入辭也其言弗克納何大其弗克納也

何大乎其弗克納晉卻缺帥師革車八百乘以納接

蓄于邾婁力沛若有餘而納之邾婁人言曰接菑晉

出也獲且齊出也子以其指

指手

則接菑也四獲且

也六

言俱不得天之正性喻皆庶子也

子以大國壓之則未知齊晉

孰有之也貴則皆貴矣雖然獲且也長

既兩不得正性又皆貴惟

當以年長立之

卻缺曰非吾力不能納也義實不爾克也引

師而去之故君子大其弗克納也

大其不以己非奪人之是此晉

卻缺也其稱人何貶曷為貶不與大夫專廢置君也

曷為不與實與而文不與文曷為不與大夫之義不

得專廢置君也

穀梁傳

是卻克也其曰人何也微之也何為微之也長

穀五百乘縣地千里

長穀兵車五百乘合三萬七千五百人縣猶彌漫

過宋

鄭滕薛負入千乘之國

負速也

欲變人之主至城下然

後知何知之晚也弗克納未伐而曰弗克何也弗克其義也捷菑晉出也糴且齊出也糴且正也捷菑不正也

書弗克納言聞過而改失之於初而得之於末愈

乎遂過也書人者本未得其主名也觀三傳所傳  
各異可徵舊史失其名而非孔子用此為褒貶矣

附錄  
左傳

周公將與王孫蘇訟于晉王叛王孫蘇

王匡王  
叛不與

而使尹氏與聃啓訟周公于晉

尹氏周卿士  
聃啓周大夫

趙宣子

平王室而復之

楚莊王立

穆王  
子也

子孔潘崇將襲羣

舒使公子燮與子儀守而伐舒蓼

即羣  
舒

二子作亂城

郢而使賊殺子孔不克而還八月二子以楚子出將

如商密廬戢黎及叔麋誘之遂殺闕克及公子燮

廬杜



注襄陽中廬縣戰黎廬大初關克囚于秦  
夫叔廩其佐關克子儀也  
在僖二十五年秦

有穀之敗

在僖三十三年

而使歸求成成而不得志

無賞公報也

子變求令尹而不得故二子作亂

九月甲申公孫敖卒于齊

左傳穆伯之從已氏也

在八年

魯人立文伯

穆伯之子穀

穆伯

生二子于莒而求復文伯以為請襄仲使無朝聽命

不使與聽政事

復而不出三年而盡室以復適莒文伯疾而

請曰穀之子弱

子孟獻子年尚幼

請立難也

難穀弟

許之文伯

卒立惠叔穆伯請重賂以求復惠叔以為請許之將

來九月卒于齊告喪請葬

請以卿禮葬

弗許

穀梁傳

奔大夫不言卒而言卒何也為受其喪不可不

卒也其地于外也

大夫奔不書卒非我臣也既許其歸則其卒也是  
亦大夫而已矣故書之卒在常所則不地書卒于  
齊見死非其地且為齊人歸喪起也

齊公子商人弑其君舍

傳左齊人定懿公使來告難故書以九月齊公子元不

順懿公之為政也終不曰公曰夫已氏

夫已氏猶言某甲

傳公羊此未踰年之君也其言弑其君舍何已立之已

殺之成死者而賤生者也

惡商人無道故成舍之君號以賤商人之所為

穀梁傳舍未踰年其曰君何也成舍之為君所以重商

人之弑也商人其不以國氏何也不以嫌代嫌也

舍不

宜立有不正之嫌商人專權有當國之嫌故不書國氏明不以嫌相代

舍之不日何也

未成為君也

舍未踰年成之為君者春秋之作本以懲姦惡若  
立未踰年被弑而不曰君則逆亂之臣皆得以肆  
其凶惡故原情立義而以弑書晉奚齊亦未踰年  
以本不正故不書弑商人稱公子見天屬之親而  
為寇讎甚之也

宋子哀來奔

左傳

宋高哀為蕭封人以為卿

蕭宋附庸初仕蕭還升為卿

不義宋

公而出遂來奔書曰宋子哀來奔貴之也

貴其不食汙君之祿

辟褐  
速也

公羊傳 宋子哀者何無聞焉爾

穀梁傳 其曰子哀失之也 失其氏族不知何人

公羊曰無聞穀梁曰失之謂不書其氏族耳左氏  
曰貴之則以為稱字不知古有以子名者陳子亢  
介子推是也不書氏族與宋蕩山同乃赴告之辭  
略耳

冬單伯如齊

齊人執單伯

單伯如齊唁子叔姬也吳氏澄謂子叔姬為文公女歸齊而舍遇弑姬無所從魯故遣單伯往請商人惡魯與舍為昏因單伯來誣以罪而并子叔姬執之兩書齊人執者明單伯子叔姬之不相及別而言之所以重齊人之罪也案左氏謂子叔姬妃齊昭公考齊昭立在文公前七年則叔姬不得為文公女而春秋以子稱其說不可通矣單伯見莊

元年此猶見者蓋其子孫世稱之也

齊人執子叔姬

左傳襄仲使告于王請以王寵求昭姬于齊

昭姬子叔姬

曰

殺其子焉用其母請受而罪之冬單伯如齊請子叔

姬齊人執之

恨魯恃王勢以求女故

又執子叔姬

欲以恥辱魯

公羊傳執者曷為或稱行人或不稱行人稱行人而執

者以其事執也

以其所銜奉國事執之晉人執我行人叔孫舍是也

不稱行人

而執者以已執也

已者已大夫之罪執之

單伯之罪何道

淫也惡乎淫淫于子叔姬

時子叔姬嫁當為齊夫人使單伯送之

然則

曷為不言齊人執單伯及子叔姬內辭也使若異罪

然

深諱使若各自以他事見執者

穀梁

傳

私罪也單伯淫于齊齊人執之

叔姬同罪也

商人弑君之惡已顯而執叔姬之事聖人不獨罪

商人也齊人不討賊俱北面事之又敢執君夫人

是舉國之人皆有不赦之罪故書曰齊人所以窮

亂賊之黨與而治之也





日講春秋解義卷二十五

欽定四庫全書

日講春秋解義卷二十六

文公

十有五年春季孫行父如晉

左十五年春季文子如晉為單伯與子叔姬故也

因晉

齊請

商人弑逆執君夫人及魯使魯不能以義討而反  
因晉以求齊行父使晉不知請討晉為盟主亦不

能討皆罪也直書行父如晉貶自見矣

三月宋司馬華孫來盟

左傳

三月宋華耦來盟其官皆從之書曰宋司馬華孫

貴之也

傳曰卿行旅從華孫能率其屬以敬事自重故貴而不名然非也周之禮經諸侯相聘其

使介有常數矣不聞其官皆從以為典也

公與之宴辭曰君之先臣督得

罪于宋殤公

耦華督曾孫督弑殤公在桓二年

名在諸侯之策臣承

其祀其敢辱君請承命于亞旅

亞旅上大夫

魯人以為敏

穀梁傳

司馬官也其以官稱無君之辭也來盟者何前

定也不言及者以國與之也

書司馬華孫者著其為華督之孫世執兵柄如武氏子仍叔之子之類不書名意在因族以見義不繫於名也不言使自請之也華耦蓋與穆襄之族黨公子鮑豫結諸侯疑子哀在魯或間其好故因是來盟其專行無君與屈完高子之來盟異春秋美惡不嫌同辭以事實具見於前後也屈完來盟而楚帖高子來盟而魯定華孫來盟而昭公弑其

迹固較然異矣

夏曹伯來朝

左傳

夏曹伯來朝禮也諸侯五年再相朝以修王命古

之制也

十一年曹伯來朝至此五年傳為齊侯伐曹張本

凡書來朝皆譏譏其不朝天子而私相朝也曹伯  
十一年來朝越四年又朝過於事天子之禮尤失  
其正春秋書之以示貶亦以起齊人伐曹之文為  
不能以禮自守而妄悅人以召禍者戒也

齊人歸公孫敖之喪

左傳

齊人或為孟氏謀

孟氏公孫敖家慶父為長庶故或稱孟氏

曰魯爾親

也飾棺寘諸堂阜

堂阜齊魯竟上地飾棺不殯示無所歸

魯必取之從

之卜人以告

卜人卜邑大夫

惠叔猶毀以為請

教卒至今暮年毀猶未已

哀過喪禮

立于朝以待命許之取而殯之齊人送之書曰

齊人歸公孫敖之喪為孟氏且國故也

為惠叔毀請且國之公族

故葬視共仲

以罪降

聲已不視帷堂而哭

聲已惠叔母怨教從皆女

故帷

襄仲欲勿哭

怨教取其妻

惠伯曰

即叔彭生

喪親之終也

雖不能始善終可也史佚有言曰兄弟致美

各盡其美救

乏賀善弔災祭敬喪哀情雖不同毋絕其愛親之道

也子無失道何怨于人襄仲說帥兄弟以哭之他年

其二子來

赦在豈所生

孟獻子愛之聞于國

獻子殺之子仲孫蔑或

譖之曰將殺子獻子以告季文子二子曰夫子以愛

我聞我以將殺子聞不亦遠于禮乎遠禮不如死一

人門于句鄆一人門于戾丘皆死

句鄆戾丘杜注魯邑有寇攻門二子

禦之而死蓋以明其無殺獻子之心



公羊傳何以不言來內辭也脅我而歸之筭將而來也

筭者竹筏一名  
編輿將送也

大夫卒於外不書喪至此獨書何也教奉命如京  
師棄命出奔為禽獸行魯聽其復既復再奔又受  
其喪見魯之無政刑也不言來歸蓋齊人但致之  
境上而教之子自取以葬故不曰來

六月辛丑朔日有食之鼓用牲于社

左傳六月辛丑朔日有食之鼓用牲于社非禮也日有

食之天子不舉伐鼓于社

責羣陰

諸侯用幣于社

社尊于諸

侯故請救而不敢責之

伐鼓于朝

退自責

以昭事神訓民事君

天子

不舉諸侯用幣所以事神尊卑異制所以訓民

示有等威古之道也

莊公兩以日食鼓用牲于社既已非禮今文公亦

復如此必以為先朝故事可舉而行而不顧義之

可否因陋承誤安亦甚矣

單伯至自齊

左齊人許單伯請而赦之使來致命

畏晉故

書曰單伯

至自齊貴之也

單伯執節不移故貴之

穀梁傳

大夫執則致致則名此其不名何也

據昭十四年意如至

自晉稱名

天子之命大夫也

大夫恒出不書至惟執則書國體所係也單伯致而不名者命大夫例書字也尊王命也

晉卻缺帥師伐蔡戊申入蔡

左傳新城之盟

在前年

蔡人不與晉卻缺以上軍下軍伐

蔡曰君弱不可以怠戊申入蔡以城下之盟而還凡

勝國曰滅之

勝國絕其社稷有其土地

獲大城焉曰入之

得大都而不有

公羊傳

入不言伐此其言伐何至之日也其日何至之

日也

用兵之道當先至竟侵責之不服乃伐之今日至便以今日伐故曰以起其暴也

入而言伐又舉日於伐下者見伐之不服然後入

也所以兼惡蔡然晉實不能制楚入蔡何為書伐

書入以譏晉也

秋齊人侵我西鄙

穀梁傳

其曰鄙遠之也其遠之何也不以難介我國也

介猶  
近也

季孫行父如晉

左傳秋齊人侵我西鄙故季文子告于晉

商人大逆無道諸侯不討反怙逆以伐人故貶而  
人之師無名故曰侵魯因齊之暴再往告晉晉實  
主盟而縱商人至此罪可知矣

冬十有一月諸侯盟于扈

左傳冬十一月晉侯宋公衛侯蔡侯陳侯鄭伯許男曹

伯盟于扈尋新城之盟且謀伐齊也

齊數伐魯故

齊人賂

晉侯故不克而還于是有齊難是以公不會書曰諸

侯盟于扈無能為故也

惡受賂不能討齊

凡諸侯會公不與

不書諱君惡也

謂國無難不會義事故為惡

與而不書後也

謂後期也

是盟為齊亂也魯以備齊故不會非一役再有事

而不序諸侯散辭也見晉不足以主盟而諸侯無

統紀也弑君之賊人人得而討之晉侯受賂而在

會諸侯俯首以聽晉命其罪惟均故同畧而不序

十有二月齊人來歸子叔姬

左傳齊人來歸子叔姬王故也

以單伯為王使故叔姬之歸曰王故

公羊傳

其言來何閔之也此有罪何閔爾父母之于子

雖有罪猶若其不欲服罪然

父為子隱人情之至也

穀梁傳

其曰子叔姬貴之也其言來歸何也父母之于

子雖有罪猶欲其免也

不言齊子叔姬來歸而曰齊人來歸子叔姬者見

子叔姬無罪齊人自絕而歸之爾此商人為之稱

齊人者罪齊人以商人為君而不知其惡深責之  
也按二傳於叔姬皆云父母之于子則其為文公  
女也益信

齊侯侵我西鄙遂伐曹入其郭

左傳

齊侯侵我西鄙謂諸侯不能也

不能討已

遂伐曹入其

郭討其來朝也

此年夏曹伯朝魯

季文子曰齊侯其不免乎

己則無禮而討于有禮者曰女何故行禮禮以順天  
天之道也已則反天而又以討人難以免矣詩曰胡



不相畏不畏于天

詩小雅

君子之不虐幼賤畏于天也

在周頌曰畏天之威于時保之

詩周頌言畏天威于是保福祿

不畏

于天將何能保以亂取國奉禮以守猶懼不終多行

無禮弗能在矣

為十八年齊弑商人傳

公羊傳

郭者何恢郭也

恢大也郭城外大郭

入郭書乎曰不書

圍不

言入郭不書此何以書動我也

動我懼我也

動我者何內

辭也其實我動焉爾

因侵我遂入曹故詳其事若云齊不去而伐曹幾入我郭矣可

懼也

扈之會晉取齊賂而還商人自此知諸國之無能  
為益肆其暴以魯如晉謀已而曹修禮於魯故一  
歲再侵魯以及曹書遂著其暴也入其郛者甚之  
也

十有六年春季孫行父會齊侯于陽穀齊侯弗及盟

左十六年春王正月及齊平公有疾使季文子會齊  
傳侯于陽穀請盟齊侯不肯曰請侯君間

間疾

侯于陽穀請盟齊侯不肯曰請侯君間

謂齊侯不肯盟

公羊其言弗及盟何不見與盟也

傳

穀梁傳

弗及者內辭也行父失命矣齊得內辭也

出行父會

失辭為齊侯所拒不盟由齊故得內辭

文公怠於國政不能憤發自彊討齊之亂反使商人得以彊大威我命使執辱邊鄙被兵此有志者困心衡慮時而公方且宴安於國使其臣降志求盟復為商人所侮故直書曰齊侯弗及盟弗者遷詞若曰我本欲盟而齊不及我盟以深愧之也

夏五月公四不視朔

左傳夏五月公四不視朔疾也

公羊傳公曷為四不視朔公有疾也何言乎公有疾不

視朔自是公無疾不視朔也然則曷為不言公無疾不視朔有疾猶可言也無疾不可言也

穀梁傳天子告朔于諸侯諸侯受乎禰廟禮也公四不

視朔公不臣也

天子班朔而公不視是不臣

以公為厭政以甚矣

上書夏五月下書四不視朔追言之也前此未有書不視朔者若其有疾則亦常事爾而特書者見

公之非有疾而然也蓋此時本以疾詐齊自是遂因循廢之有不視朔亦不復書其譏已明矣不重

譏也

六月戊辰公子遂及齊侯盟于鄆丘

公羊作屏丘穀梁作師丘公羊疏云

正本作菑丘杜注齊地當在今山東東阿縣境

左傳公使襄仲納賂于齊侯故盟于鄆丘

穀梁傳復行父之盟也春齊侯不與行父盟故復使遂修之

行父請盟則弗及仲遂納賂則從齊固貪利而魯

之畏齊抑何甚也夫齊魯皆千乘之國齊曲而魯直彼以力我以義何懼於齊而以賄成哉明年齊侯復有西鄙之伐則知要盟不足恃而魯之為計亦愚矣

秋八月辛未夫人姜氏薨

毀泉臺

左傳有蛇自泉宮出入于國如先君之數伯禽至僖公十七君秋

八月辛未聲姜薨

僖公夫人文公母也

毀泉臺

公羊傳

泉臺者何郎臺也

莊公築臺于郎

郎臺則曷為謂之泉

臺未成為郎臺

未成但以地名之

既成為泉臺

既成更以所置名之

毀

泉臺何以書譏何譏爾築之譏毀之譏先祖為之已

毀之不如勿居而已矣

殺梁傳

喪不貳事貳事緩喪也

喪事主哀而復毀泉臺是以喪為緩

以文

為多失道矣自古為之今毀之不如勿處而已矣

若以

夫人居之而薨但當勿處

泉臺之築固為非禮然先君所舉其存與毀亦非

治亂安危之所繫則勿居可也而勞民毀之以暴其失有蔑視先祖之心故謹而志之

楚人秦人巴人滅庸

左傳

楚大饑戎伐其西南至于阜山師于大林又伐其

東南至于陽丘以侵訾枝

戎山夷也阜山在今湖廣房縣南大林陽丘訾枝杜

注皆楚邑大林在今湖廣荊門州西北

庸人帥羣蠻以叛楚

庸杜注上庸縣屬楚

之小國麇人率百濮聚于選將伐楚

百濮夷也選杜注楚地當在今湖廣

枝江縣南境

于是申息之北門不啓

備中

楚人謀徙于阪



高阪高杜注楚險地當在今湖廣襄陽府西境 爲賈曰不可我能往寇亦

能往不如伐庸夫麋與百濮謂我饑不能師故伐我也若我出師必懼而歸百濮離居將各走其邑誰暇

謀人乃出師旬有五日百濮乃罷自廬以往振廩同

食往往伐庸也振發也廩倉也同食上下無異饌也 次于句澁句澁杜注楚西界地當在

今湖廣 使廬戢黎侵庸及庸方城方城杜注庸地上庸縣東有方城亭

在今湖廣 庸人逐之囚子揚窻窻戢黎官屬 三宿而逸曰

庸師衆羣蠻聚焉不如復大師還復句 且起王卒合

而後進師叔曰

師叔楚大夫潘圻也

不可姑又與之遇以驕之

彼驕我怒而後可克先君蚡冒所以服陞隰也

蚡冒楚武

王父陞隰杜注地名在今湖廣荊州府東

又與之遇七遇皆北

偽走也

唯裨

僚魚人實逐之

裨僚魚杜注庸之三邑魚古魚復縣即今四川奉節縣

庸人曰

楚不足與戰矣遂不設備楚子乘駟會師于臨品

臨品

杜注地名當在今湖廣均州界

分為二隊子越自石溪子貝自仞以

伐庸

子越關椒也子貝楚大夫石溪仞杜注入庸道俱當在今湖廣均州界

秦人巴人

從楚師羣蠻從楚子盟遂滅庸

傳言楚有謀臣所以興

庸乘楚饑帥羣蠻以叛楚楚伐之取成可已而夷  
其宗社罪莫大焉秦與滅庸則服於楚矣夫城濮  
之役秦實助晉至是晉反棄以資楚楚西連巴秦  
繞出周晉之後而同力以敵晉則列國諸侯在其  
掌握矣此楚所以益彊而晉不振也

冬十有一月宋人弑其君杵臼

公羊作處臼

左傳

宋公子鮑禮于國人

鮑昭公庶弟文公也

宋饑竭其粟而貸

之年自七十以上無不饋詒也時加羞珍異

羞進也

無

日不數于六卿之門

數不疏

國之材人無不事也親自

桓以下無不恤也

桓鮑之曾祖

公子鮑美而豔寡夫人欲

通之

鮑嫡祖母

而不可乃助之施昭公無道國人奉公子

鮑以因夫人于是華元為右師

華元督曾孫代公子成

公孫友

為左師華耦為司馬

代公子印

鱗矐為司徒蕩意諸為司

城公子朝為司寇

代華御事

初司城蕩卒公孫壽辭司城

壽蕩之子

請使意諸為之

意諸壽之子

既而告人曰君無道吾

官近懼及焉棄官則族無所庇子身之貳也姑紓死

焉雖亡子猶不亡族

已在故也

既夫人將使公田孟諸而

殺之公知之盡以寶行蕩意諸曰盍適諸侯公曰不

能其大夫至于君祖母以及國人諸侯誰納我且既

為人君而又為人臣不如死盡以其寶賜左右而使

行夫人使謂司城去公對曰臣之而逃其難若後君

何

言無以事後君

冬十一月甲寅宋昭公將田孟諸未至夫

人王姬使帥甸攻而殺之

襄夫人周襄王姊故稱王姬帥甸郊甸之師

蕩

意諸死之書曰宋人弑其君杵臼君無道也

稱國人弑以見

其君有罪

文公即位使母弟須為司城

代意諸

華耦卒而使

蕩虺為司馬

虺意諸之弟

公羊傳

弑君者曷為或稱名氏或不稱名氏大夫弑君

稱名氏賤者窮諸人

言非大夫則稱人

大夫相殺稱人賤者

窮諸盜

言非大夫則稱盜謂其詞已窮無他可稱也

宋昭公之弑由襄夫人而書宋人者以昭公無道

國人皆有欲弑之心故以衆言之既著昭公自取

之實又正宋人以大惡之名而主者之罪自在其

中矣不書葬賊不討也蕩意諸之死不書以其知國人之謀而不能止知昭公之危而不能救坐待其及故不得與死於其職者同也

十有七年春晉人衛人陳人鄭人伐宋

左傳

十七年春晉荀林父衛孔達陳公孫寧鄭石楚伐

宋討曰何故弑君猶立文公而還卿不書失其所也

卿不書謂稱人失其所討之罪

程子謂行天討而成其亂失天職也故四國之卿

貶而稱人義本左氏先儒皆宗之獨啖氏助以為  
不命之卿例稱人考是時晉之當國者趙盾而荀  
林父僅佐中軍衛之當國者甯俞而孔達未嘗執  
政陳公孫寧抑置衛下其尤卑可知鄭石楚亦無  
聞於時則啖說未失也不然襄二十五年齊崔杼  
弑其君諸侯會于夷儀謀伐齊而沮於賂猶是役  
也而列序十二國之君其義不可通矣

夏四月癸亥葬我小君聲姜

聲公羊作聖



左傳夏四月癸亥葬聲姜有齊難是以緩

公羊傳聖姜者何文公之母也

九月乃葬慢也不稱僖姜而別為之諡非禮也

齊侯伐我西鄙六月癸未公及齊侯盟于穀

西當作北

左傳齊侯伐我北鄙襄仲請盟六月盟于穀

鄆丘盟矣齊猶以公不親往復肆侵伐脅公出盟而公之昏庸不能為國以禮汲汲請盟乞免於伐齊之無道極矣魯之不振甚矣

諸侯會于扈

左傳

晉侯蒐于黃父

黃父杜注一名黑壤晉地

遂復合諸侯于扈平

宋也公不與會齊難故也書曰諸侯無功也

刺欲平宋而復

不能

于是晉侯不見鄭伯以為貳于楚也鄭子家使執

訊而與之書

執訊通訊問之官

以告趙宣子曰寡君即位三

年

魯文二年

召蔡侯而與之事君九月蔡侯入于敝邑以

行

行朝晉也

敝邑以侯宣多之難寡君是以不得與蔡侯

偕

宣多既立穆公恃寵專權

十一月克減侯宣多而隨蔡侯以朝

于執事

減損也難未盡而行言汲汲于朝晉

十二年六月歸生佐寡君

之嫡夷

歸生子家名夷太子名靈公也

以請陳侯于楚而朝諸君十

四年七月寡君又朝以歲陳事

歲勅也勅成前好

十五年五

月陳侯自敝邑往朝于君往年正月燭之武往朝夷

也

將夷往朝于晉

八月寡君又往朝以陳蔡之密邇于楚而

不敢貳焉則敝邑之故也雖敝邑之事君何以不免

在位之中一朝于襄

襄公

而再見于君夷與孤之二三

臣相及于絳

絳晉國都

雖我小國則蔑以過之矣今大國

曰爾未逞吾志敝邑有亡無以加焉古人有言曰畏

首畏尾身其餘幾

言首尾有畏則身中不畏者少

又曰鹿死不擇音

音抹蔭之處

小國之事大國也德則其人不德則其鹿

也鋌而走險急何能擇

鋌疾走貌

命之罔極亦知亡矣將

悉敝賦以待子儵

儵晉鄭之竟言欲以兵距晉

唯執事命之文公

二年六月壬申朝于齊

鄭文二年魯莊之二十三年

四年二月壬

戌為齊侵蔡亦獲成于楚居大國之間而從于強令

豈其罪也大國若弗圖無所逃命晉鞏朔行成于鄭

趙穿公壻池為質焉

諸侯不序所以削晉霸而著其黨逆之罪也昭公雖無道非宋人所得而弑晉不能討又安定之是廢君臣之義滅天理矣然則何以不書成宋亂如稷之會乎華督之弑霸事未興故書以責在會之諸侯今晉主夏盟而率諸侯以獎亂罪浮會稷故削晉稱諸侯事同辭異罪有輕重故也

秋公至自穀

商人不可與盟書至危之且見不與扈之會以著

公失所從也

附錄左傳

秋周甘陂敗戎于邠垂乘其飲酒也

陂周大夫邠垂杜注

周地河南新鄭縣北有垂亭今為河南洛陽縣地為成元年晉侯平戎于王傳

冬十月鄭

大子夷石楚為質于晉

石楚鄭大夫

冬公子遂如齊

左傳襄仲如齊拜穀之盟復曰臣聞齊人將食魯之麥

言將伐魯

以臣觀之將不能齊君之語偷臧文仲有言曰

民主偷必死

自商人之篡魯連年被兵上卿納賂請盟又親與盟繼又使卿往聘而怒猶未怠也卑屈之不足以紓禍也如是

十有八年春王二月丁丑公薨于臺下

左傳十八年春齊侯戒師期而有疾

戒師將以伐魯

醫曰不及

秋將死公聞之卜曰尚無及期

欲令先死

惠伯令龜

以

龜事告

卜楚丘占之曰齊侯不及期非疾也君亦不聞

言君先齊侯終

令龜有咎

言令龜者亦有凶兆為惠伯死張本

二月丁丑公薨

殺梁

臺下非正也

秦伯瑩卒

秦自九年歸祔始與魯通好至是書卒盖來赴而

往弔其喪也

夏五月戊戌齊人弑其君商人

左傳齊懿公之為公子也與邴歜之父爭田弗勝及即

位乃掘而刖之

斷其尸足

而使歜僕納閭職之妻而使職



驂乘夏五月公游于申池

申池杜注齊南城西門名申門左右有池在今山東

臨淄縣西

二人浴于池歟以扑扶職

扑蓋也扶擊也欲以相感激

職怒

歟曰人奪女妻而不怒一扶女庸何傷職曰與別其

父而弗能病者何如乃謀弑懿公納諸竹中歸舍爵

而行

飲酒訖乃去言齊人惡懿公二人無所畏

齊人立公子元

桓公子惠公

歟職以僕御之賤既斃商人舍爵而行畧不畏忌

則齊人固惡商人而欲其斃也故以弑君繫之然

商人前書弑舍今不從州吁無知之例以討賊書

者蓋罪齊人既以為君而又殺之也

六月癸酉葬我君文公

左傳 六月葬文公

秋公子遂叔孫得臣如齊

左傳 秋襄仲莊叔如齊惠公立故且拜葬也  
襄仲賀惠公立莊叔

謝齊來會葬 文公二妃敬嬴生宣公敬嬴嬖而私事襄

仲宣公長而屬諸襄仲襄仲欲立之叔仲不可  
叔仲惠伯

仲見于齊侯而請之齊侯新立而欲親魯許之

殺梁

使舉上客而不稱介不正其同倫而相介故列

而數之也

上客聘主也禮大夫為卿介遂與得臣俱為卿是以同倫為副使故兩言之明無差

降

使舉上客常也其變文書介副者欲以起問者見事情也子赤之弑經以卒書其實尚隱故上書大夫泣使下書夫人歸于齊中曰子卒則見邪謀發於奉使之日而公子遂弑立之罪著矣

冬十月子卒

左傳

冬十月仲殺惡及視而立宣公

惡大子視其母弟

書曰子

卒諱之也仲以君命召惠伯

詐以子惡命

其宰公冉務人

止之曰入必死叔仲曰死君命可也公冉務人曰若

君命可死非君命何聽弗聽乃入殺而埋之馬矢之

中公冉務人奉其帑以奔蔡既而復叔仲氏

不絕其後

公羊傳

子卒者孰謂謂子赤也何以不日隱之也何隱

爾弑也弑則何以不日不忍言也

殺梁傳

子卒不日故也

故殺也

稱子卒成之為在喪之君也凡君在喪稱子繼世不忍當也既葬不名終人子之事也不書弑不忍斥言卒而不日則不以正終明矣何以知其賊乎上書大夫竝使下書子卒則知罪之在公子遂矣叔仲彭生死之不書者蓋史官畏遂不敢書夫子作春秋當哀公時而宣公乃時君之祖故仍舊史為國諱惡不敢增也或謂死非君命不得以死節書則人臣扞君於患難之際必待命而往亦已晚

矣

夫人姜氏歸于齊

左傳夫人姜氏歸于齊

惡視之母出姜也

大歸也將行哭而過

市曰天平仲為不道殺適立庶市人皆哭魯人謂之

哀姜

終出姜不允于魯傳

殺梁惡宣公也有不待貶絕而罪惡見者有待貶絕

而惡從之者

直書姜氏之歸則宣公罪惡不貶而自見

姪娣者不孤子之

意也

言其中一人有子則當共養

一人有子三人緩帶

緩帶優游之稱

一

曰就賢也

若竝有子則就其賢宣公以庶墓立非賢之謂故惡之

文公薨子卒而夫人出則知嗣子之歿於弑而不  
容於魯也齊人弑舍而歸叔姬於魯魯人弑赤而  
歸出姜於齊人紀絕矣內夫人以罪出曰孫無罪  
而出曰歸

季孫行父如齊

行父與謀弑赤故出姜方歸行父亟往蓋赤實齊  
甥恐夫人訴而齊來討於是議納賂請盟之事行

父之罪固不待貶而魯之臣子皆不可勝誅矣

莒弑其君庶其

左傳莒紀公生太子僕又生季佗

紀號也莒夷無諡故有別號

愛季

佗而黜僕且多行無禮于國僕因國人以弑紀公以其寶玉來奔納諸宣公公命與之邑曰今日必授季文子使司寇出諸竟曰今日必達公問其故季文子使大史克對曰先大夫臧文仲教行父事君之禮行父奉以周旋弗敢失隊曰見有禮于其君者事之如



孝子之養父母也見無禮于其君者誅之如鷹鷂之

逐鳥雀也先君周公制周禮曰則以觀德德以處事

事以度功功以食民

則法也合法則為吉德違法則為凶德處制也度量也食養也

作誓命曰毀則為賊

誓命要信之辭毀則壞法也

掩賊為藏

掩匿也

竊賄為盜盜器為姦

器國用也

主藏之名

以掩賊為名

賴姦之

用

用姦器也

為大凶德有常無赦

刑有常

在九刑不忘

誓命以下

皆九刑之書

行父還觀莒僕莫可則也

還猶周旋

孝敬忠信為

吉德盜賊藏姦為凶德夫莒僕則其孝敬則弑君父

矣則其忠信則竊寶玉矣其人則盜賊也其器則姦

兆也

兆域也

保而利之則主藏也以訓則昏民無則焉

不度于善而皆在于凶德是以去之昔高陽氏有才

子八人

高陽帝顓頊之號八人其苗裔

蒼舒隤咎檮戴大臨危降庭

堅仲容叔達

此即垂益禹皋陶之倫

齊聖廣淵明允篤誠天下

之民謂之八愷

齊中也淵深也允信也篤厚也愷和也

高辛氏有才子

八人

高辛帝嚳之號八人亦其苗裔

伯奮仲堪叔獻季仲伯虎仲熊

叔豹季狸

此即魏契朱虎熊羆之倫

忠肅共懿宣慈惠和天下之

民謂之八元

肅敬也懿美也宣禍也元善也

此十六族也世濟其美

不隕其名以至于堯堯不能舉舜臣堯舉八愷使主

后土

禹作司空即主地之官

以揆百事莫不時序地平天成

揆度

也成亦平也

舉八元使布五教于四方

契作司徒敷五教故知契在八元之

中父義母慈兄友弟共子孝內平外成

內中夏外遠國

昔帝

鴻氏有不才子

帝鴻黃帝

掩義隱賊好行凶德醜類惡物

頑嚚不友是與比周

醜亦惡也心不則德義之經為頑口不道忠信之言為嚚比近

也周密也

天下之民謂之渾敦

渾敦不開通之貌謂雖愚

少皞氏有不

才子

少皞金天氏之號次黃帝

毀信廢忠崇飾惡言靖譖庸回服

讒蒐慝以誣盛德

崇聚也靖安也庸用也回邪也服行也蒐隱也慝惡也

天下

之民謂之窮奇

其行窮其好奇謂共工

顓頊氏有不才子不可

教訓不知話言

話善也

告之則頑舍之則囂傲很明德

以亂天常天下之民謂之橈杌

橈杌頑凶無備匹之貌謂緣

此三

族也世濟其凶增其惡名以至于堯堯不能去縉雲

氏有不才子

縉雲黃帝氏官名

貪于飲食冒于貨賄

冒亦貪也侵

欲崇侈不可盈厭聚斂積實不知紀極不分孤寡不

恤窮匱天下之民以比三凶

非帝王子孫故別以比三凶

謂之饗

饗

貪財為饗貪食為饗

舜臣堯

為堯臣

賓于四門

闢四門以賓禮衆賢

流四

凶族渾敦窮奇檇杌饗饗投諸四裔以禦魑魅

投棄也裔

達也魑魅山林異氣所生為人害者

是以堯崩而天下如一同心戴舜

以為天子以其舉十六相去四凶也故虞書數舜之

功曰慎徽五典五典克從無違教也

徽美也此八元之功

曰納

于百揆百揆時序無廢事也

此八愷之功

曰賓于四門四

門穆穆無凶人也

去四凶之功

舜有大功二十而為天子

舉十六相  
去四凶也

今行父雖未獲一吉人去一凶矣于舜之

功二十之一也庶幾免于戾乎

公羊傳

稱國以弑何稱國以弑者衆弑君之辭

紀公多行無禮稱國以弑衆所欲弑也左氏言大  
子僕因國人以弑是以子弑父春秋何為沒而不  
書且僕既以衆弑則宜自立矣又何以來奔故吳  
氏澄謂僕因國人以弑紀公以當作之卓氏爾康  
又謂以已二字古人通用蓋紀公已見弑故僕懼

禍及而來奔也若據傳則經不書僕弑義無所處  
故並錄焉

附錄

宋武氏之族

宋武公之子孫

道昭公子將奉司城須以

作亂

文公弑昭公故武族欲導其子以作亂司城須文公弟

十二月宋公殺母

弟須及昭公子使戴莊桓之族攻武氏子司馬子伯

之館

戴莊華樂也莊族公孫師也桓族向魚鱗蕩也司馬子伯華耦也

遂出武穆之

族

以穆族黨于武氏故

使公孫師為司城

公孫師莊公之孫代母弟須

公子

朝卒使樂呂為司寇以靖國人

樂呂戴公之曾孫為宣三年宋師圍曹傳

日講春秋解義卷二十六



欽定四庫全書

經部

日講春秋解義卷二十七

詳校官監察御史<sub>臣</sub>莫瞻菴

給事中<sub>臣</sub>溫常綬覆勘

覆校官中書<sub>臣</sub>田尹衡

校對官中書<sub>臣</sub>葉蘭

謄錄監生<sub>臣</sub>任銜萱

欽定四庫全書

日講春秋解義卷一十七

宣公

公名倭一名接文作委文公子毋敬嚴誼法喜問周達曰宣

周

匡王五年魯宣公二年匡王崩弟定王立

鄭

穆公三十年魯宣公三年穆公卒靈公夷立宣四年靈公弒弟棄公堅立

齊

惠公元年魯宣公十年惠公卒子頃公無野立

宋

詳見文公三年

晉

靈公繼霸十三年趙盾為政魯宣公二年靈公弒成公黑臀立宣八年卻缺為政宣九年成公卒子景公

孺立宣十一年荀林父為政宣十六  
年士會為政宣十七年卻克為政

衛

成公二十七年魯宣公九  
年成公卒子穆公速立

蔡

文公四年魯宣公十七  
年文公卒子景公固立

曹

文公十年魯宣公十四  
年文公卒子宣公廬立

陳

靈公六年魯宣公十年  
靈公弑子成公午立

杞

桓公二  
十九年

薛

詳見僖  
公元年

莒

季佗  
元年

邾

定公六年

許

昭公十四年魯宣公十七年昭公卒靈公立

小邾

詳見僖公元年

楚

莊王六年魯宣公十一年盟辰陵討陳春秋始予楚莊王以霸宣十一年楚孫叔敖為令尹宣十二年敗

晉于邲宣十八年

莊王卒子共王立

秦

共公元年魯宣公四年共公卒桓公立

吳

詳見隱公元年及成公元年

越

詳見隱公元年



欽定四庫全書

日講春秋解義卷二十七

宣公

名倭一名接又作委文公之子母敬嬴以匡王五年即位諡法善問周達曰宣

元年春王正月公即位

公羊傳

繼弑君不言即位此其言即位何其意也

殺梁

繼故而言即位與聞乎故也

宣公為弑君者所立受之而不討賊則是與聞乎

弑也故如其意而書即位以著其罪

公子遂如齊逆女

左傳元年春王正月公子遂如齊逆女尊君命也諸侯之卿

出入稱名氏所以尊君命也

宣公斬馬在疚乃遣同惡之大夫如齊逆女經書之以著敬嬴仲遂請齊立接之本謀又以見齊元無道黨亂臣而使弑其君也陰謀篡弑而急於昏齊以定其位此惡之大者至於卿逆之非禮則亦不待貶絕而見矣

三月遂以夫人婦姜至自齊

左傳

三月遂以夫人婦姜至自齊尊夫人也

遂不言公子替其尊

稱所以成小君之尊也

公羊傳

遂何以不稱公子一事而再見者卒名也

卒竟也

但舉名者省文

夫人何以不稱姜氏貶曷為貶譏喪娶也喪

娶者公也則曷為貶夫人內無貶於公之道也

明下無貶

上義

內無貶于公之道則曷為貶夫人夫人與公一

體也其稱婦何有姑之辭也



穀梁傳

其不言氏喪未畢故略之也其曰婦緣姑言之

之辭也遂之挈由上致之也

挈者謂去氏族而直書名上謂宣公

夫人不氏與有罪也古者一禮不備貞女不行夫人不能以禮自固而苟從焉非正矣稱婦者蓋有姑則以婦禮至無姑則專以夫人禮至出姜既絕而歸齊而曰婦姜著敬嬴之速以姑自居也

夏季孫行父如齊

左傳

夏季文子如齊納賂以請會

宣公篡立未列于會故以賂請之

據左氏納賂以請會也下書公會齊侯于平州則知此會乃行父請之矣又書齊人取濟西田則知請以賂矣仲遂弑君宣公篡立行父不能討反為之使齊而納賂焉魯人乃以為賢觀春秋所書則其惡不可掩矣

晉放其大夫胥甲父于衛

左傳晉人討不用命者放胥甲父于衛胥甲下軍佐文十二年戰河曲

不肯薄秦于險

而立胥克

克甲之子

先辛奔齊

先辛甲之屬大夫

公羊傳

放之者何猶曰無去是云爾

羈置之不令去其地

然則何

言爾近正也此其為近正奈何古者大夫已去三年

待放

三年者古者疑獄三年而後斷自嫌有罪當誅故三年不敢去

君放之非也大

夫待放正也

河曲之戰距今八年晉始放胥甲父所謂待而後放者故曰近正

古者

臣有大喪則君三年不呼其門已練可以弁冕

弁皮弁爵

弁也加旒曰冕

服金革之事君使之非也臣行之禮也

此與君放

之非臣待君放正同故引同類相發明

閔子要經而服事既而曰若此

乎古之道不即人心

既事畢言古者不敢斥言君即近也

退而致仕孔

子蓋善之也

善其服事外得事君之義致仕內不失親親之恩

殺梁

放猶屏也稱國以放放無罪也

稱國以放君與當國大夫主之也河曲之戰撓史駢之謀而以偏師獨出者趙穿也若討不用命則穿當為首專治軍門之呼則穿與胥甲父同罪可也趙盾當國乃庇穿而蔽罪於甲父晉侯於是為失政而桃園之逆志固萌於此矣

公會齊侯于平州

平州杜注齊地在泰山牟縣西今山東萊蕪縣西有平州城

左傳 會于平州以定公位

春秋之世篡立者已列於諸侯則不復致討故季孫行父如齊請會而齊侯為會以定之夫以齊之彊與魯為鄰其力足以正魯而始徇仲遂之謀繼為平州之會非特貪賂失其本心抑以乘亂得國與魯宣之迹相類故同惡相濟耳然欲定其位者魯宣也宜稱及齊而曰會者乃治亂臣賊子必先究其黨與之義

公子遂如齊

左傳東門襄仲如齊拜成

遂與行父既再見於經矣如齊拜成削之可也而必書者以著遂為首惡也總其始終直書於策而義自見矣

六月齊人取濟西田

濟西杜注故曹地僖公三十一年晉文以分魯

左傳六月齊人取濟西之田為立公故以賂齊也

公羊傳外取邑不書此何以書所以賂齊也曷為賂齊

為弑子赤之賂也

穀梁傳

內不言取言取授之也以是為賂齊也

濟西之田魯所以賂齊而經書齊人取之者蔽其罪於齊也篡弑之惡苟有人心者所同惡也商人弑立齊惠公惡之終不曰公曰夫已氏何獨至於魯接而不惡且助其邪謀而終定其位耶溺於濟田之賂耳許田入鄭而桓篡成郕鼎入魯而督罪釋濟西入齊而宣位定見諸行事可謂深切著明

矣

秋邾子來朝

邾自僖文之世常與魯抗今宣慕立而反朝之蓋  
畏齊魯之交合也何以無貶乎既於朝桓貶矣公  
羊曰其餘從同

楚子鄭人侵陳遂侵宋

左傳宋人之弑昭公也

在文十六年

晉荀林父以諸侯之師

伐宋

在文十七年

宋及晉平宋文公受盟于晉又會諸侯



于扈將為魯討齊

二扈盟在文十五年十七年

皆取賂而還鄭穆

公曰晉不足與也遂受盟于楚陳共公之卒

在文十二年

楚人不禮焉陳靈公受盟于晉

十四年新城十五年十七年兩盟扈

秋

楚子侵陳遂侵宋

穀梁傳

遂繼事也

鄭本以晉人失賊不討棄晉即楚使能以楚師討

宋問昭公之故使宋以鮑為戮而改立君則大義

伸於天下矣今乃侵陳以及宋則附楚以亟病中

國耳宋者中國之樞紐也楚服陳鄭而宋不屈則不能與晉爭霸書遂侵宋著其志不在陳也猶齊桓之書遂伐楚著其志不在蔡也

晉趙盾帥師救陳

左傳 晉趙盾帥師救陳宋

穀梁傳 善救陳也

楚鄭連兵憑陵上國陳先代之後無罪被侵晉能同惡相恤故襄而書救傳言師救陳宋而經不書

宋者宋人負弑君之罪晉受賂不討今雖救宋義不足稱若概書陳宋則典刑紊矣

宋公陳侯衛侯曹伯會晉師于棐林伐鄭

梁公羊作斐棐林杜注鄭

地滎陽宛陵縣東南有林鄉今林鄉城在河南新鄭縣東

左傳會于棐林以伐鄭也楚薦賈救鄭遇于北林

與晉師相

遇北林杜注鄭地滎陽中牟縣西南有林亭今屬河南開封府

囚晉解揚

解揚晉大夫

晉

人乃還

公羊傳

此晉趙盾之師也曷為不言趙盾之師君不會

大夫之辭也

時諸侯為趙盾所會不與其以卑致尊故正之

穀梁傳

列數諸侯而會晉趙盾大趙盾之事也

大其懷楚具

曰師何也以其大之也

師者衆大之辭

于榘林地而後伐鄭

疑辭也此其地何則著其美也

言似伐鄭有疑須會乃定又決之曰非也

欲明趙盾之功故詳錄其會地爾

上書晉趙盾帥師救陳此書會晉師文相蒙也胡

氏謂使列數諸侯而會晉趙盾則臣疑於君而不

可訓此本公羊君不會大夫之說考之於經似不

盡協文十四年盟新城以晉趙盾列數於諸侯之下未嘗以臣疑於君為嫌也至地而後伐乃會師伐國之事實春秋舉大綱示邪正豈為聚謀與不聚謀而異義乎故穀梁以隼林為疑辭此為著美亦非也

冬晉趙穿帥師侵崇

崇公羊作柳地譜商有崇國侵書趙穿而後凡役皆書大夫

左傳晉欲求成于秦趙穿曰我侵崇秦急崇必救之

崇秦

之與國吾以求成焉冬趙穿侵崇秦弗與成

公羊傳

柳者何天子之邑也曷為不繫乎周不與伐天

子也

崇秦與國晉欲求成于秦反侵其所與益其怒而重其怨謀不若是拙也蓋趙穿已有逆心欲得兵柄而托伐國以用其衆盾為正卿必主是謀桃園之變盾之與閭乎故也審矣

晉人宋人伐鄭

左傳

晉人伐鄭以報北林之役于是晉侯侈趙宣子為

政驟諫而不入故不競于楚

為明年鄭伐宋張本

穀梁傳

伐鄭所以救宋也

時楚鄭侵宋

宋怨鄭與楚之侵復請伐鄭晉以前救無功遂與連兵夫惟德與禮可以服人宋人弑君晉受賂不討反為之興師以修怨宜鄭之終不服也

二年春王二月壬子宋華元帥師及鄭公子歸生帥師戰于大棘宋師敗績獲宋華元

戰皆書大夫帥師自此始大棘杜注宋地在陳

畱襄邑縣南今河南睢州西有棘城

左傳

二年春鄭公子歸生受命于楚伐宋宋華元樂呂

御之二月壬子戰于大棘宋師敗績囚華元獲樂呂

及甲車四百六十乘俘二百五十人馘百人狂狡輅

鄭人

狂狡宋大夫輅迎也

鄭人入于井倒戟而出之獲狂狡

因倒

戰反為鄭人所禽

君子曰失禮違命宜其為禽也戎昭果毅

以聽之之謂禮

昭謂明曉軍法務在殺敵聽謂常存于耳著于心

殺敵為果

致果為毅易之戮也

致謂必行也易反易

將戰華元殺羊食士

其御羊斟不與及戰曰疇昔之羊子為政

疇昔前日也為政猶



言為主今日之事我為政與入鄭師故敗君子謂羊斟

非人也以其私憾敗國殄民于是刑孰大焉詩所謂

人之無良者

詩小雅

其羊斟之謂乎殘民以逞宋人以

兵車百乘文馬百駟

畫馬為文四匹

以贖華元于鄭半入

華元逃歸立于門外告而入

告宋城門而後入言不苟

見叔牂曰

子之馬然也

叔牂羊斟也華元見而慰之

對曰非馬也其人也

叔牂

知前言已顯故不敢讓罪

既合而來奔

合猶答也

宋城華元為植巡功

植將主也

城者謳曰睥其目瞡其腹棄甲而復于思于思

棄甲復來

睥出目瞠大腹于思多鬚之貌

使其驂乘謂之曰牛則有

皮犀兕尚多棄甲則那

那何也

役人曰從其有皮丹漆

若何華元曰去之夫其口衆我寡

傳言華元不吝其過寬而容衆

穀梁傳

獲者不與之辭也

華元得衆甚賢故不與鄭獲之

言盡其衆以

救其將也以三軍敵華元華元雖獲不病矣

將帥見獲師敗

可知不當復書師敗績此兩書之者明宋師懼華元見獲皆竭力救之得衆如是雖師敗身獲適彰其美不病其賢也

春秋常例受伐者為主故書宋及通經書戰三十

四惟此年戰于大棘及晉趙鞅鄭罕達戰于鐵兩  
國並書帥師其衆敵也書獲者七惟華元及齊國  
書兼書師敗績身見獲而師又敗也大夫生死皆  
曰獲鄭獲華元生也吳獲陳夏齧獲齊國書死也  
蓋存之殺之皆在既獲之後故書法如此

### 秦師伐晉

左傳秦師伐晉以報崇也

伐崇在元年

遂圍焦

焦杜注晉河外邑括地志

陝縣有故焦城在今河南陝州城內

城濮之戰晉得秦以挫楚所以伯也自秦晉相惡滅庸之役秦為楚用而趙穿復無故侵崇以挑秦師秦晉之爭復起而楚得專意於北方此晉所以力屈而不支也趙盾才臣豈慮不及此其陰縱穿之邪謀而養成其羽翼情不可掩矣

夏晉人宋人衛人陳人侵鄭

左傳夏晉趙盾救焦遂自陰地及諸侯之師侵鄭

陰地杜注

晉河南山北自上洛以東至陸渾上洛今陝西雒南縣陸渾今河南嵩縣以報大棘之役

楚關椒救鄭曰能欲諸侯而惡其難乎遂次于鄭以

待晉師趙盾曰彼宗競于楚殆將斃矣

競強也關椒若敖之族自

子文以來世為令尹

姑益其疾乃去之

欲示弱以驕之傳言趙盾畏楚而還所以貶稱

人且為四年楚滅若敖氏張本

胡氏安國謂晉為盟主盾合諸侯之師何畏乎楚

何避乎關椒以始謀不臧受宋之賂釋罪不討理

曲故避之以去義雖正大而非情事之實也方是

時盾與靈公猜釁已成欲握兵柄托於伐國實無

鬬心故隸林之役楚囚解揚晉即還師是役復謬  
為之辭以避鬬椒蓋恐戰而不勝則威權為之損  
不若全師以退以陰結國人之心而濟其亂謀耳  
左氏乃謂晉侯侈趙盾驟諫不入是以不競于楚  
失其實矣

秋九月乙丑晉趙盾弑其君夷皋

皋公羊  
作穆

左傳晉靈公不君厚斂以彫牆從臺上彈人而觀其辟

丸也宰夫胹熊蹯不熟

胹煮也

殺之寘諸畚

畚以草索  
為之筥屬

使婦人載以過朝趙盾士季見其手

士季隨會也

問其故

而患之將諫士季曰諫而不入則莫之繼也會請先

不入則子繼之三進及濡而後視之

三進三伏公不省而又前也濡

屋霑也公知欲諫故佯不視

曰吾知所過矣將改之稽首而對曰

人誰無過過而能改善莫大焉詩曰靡不有初鮮克

有終

詩大雅

夫如是則能補過者鮮矣君能有終則社

稷之固也豈唯羣臣賴之又曰衮職有闕惟仲山甫

補之能補過也

詩大雅衮君之服闕過也

君能補過衮不廢矣

無廢職

猶不改宣子驟諫公患之使鉏麇賊之

鉏麇晉力士

晨往寢門闢矣盛服將朝尚早坐而假寐麇退嘆而言曰不忘恭敬民之主也賊民之主不忠棄君之命

不信有一于此不如死也觸槐而死秋九月晉侯飲

趙盾酒伏甲將攻之其右提彌明知之

右車

趨登曰

臣侍君宴過三爵非禮也遂扶以下公嗾夫獒焉

獒

犬嗾使犬也

明搏而殺之盾曰棄人用犬雖猛何為鬪且

出提彌明死之初宣子田于首山舍于翳桑

翳桑桑之多蔭



翳者首山杜注在河東蒲坂縣東南即首陽山在令山西蒲州東南

見靈輒餓

靈輒晉人

問

其病曰不食三日矣食之舍其半問之曰宦三年矣

宦學也

未知母之存否今近焉

去家近

請以遺之使盡之

而為之簞食與肉

簞竹器圓曰簞方曰筥

寘諸橐以與之既而

與為公介

靈輒為公甲士

倒戟以禦公徒而免之問何故對

曰翳桑之餓人也問其名居不告而退遂自亡也

輒亦

去乙丑趙穿攻靈公于桃園

乙丑九月二十七日

宣子未出山

而復

山晉竟之山也

太史書曰趙盾弑其君以示于朝宣子

曰不然對曰子為正卿亡不越竟反不討賊非子而

誰宣子曰嗚呼我之懷矣自詒伊戚其我之謂矣

逸詩

也言人多所懷戀則自詒憂

孔子曰董狐古之良史也書法不隱

趙宣子古之良大夫也為法受惡惜也越竟乃免

越竟

則君臣之義絕可以不討賊

宣子使趙穿逆公子黑臀于周而立

之

黑臀晉文公子

壬申朝于武宮

穀梁傳

穿弑也盾不弑而曰盾弑何也以罪盾也其以

罪盾何也曰靈公朝諸大夫而暴彈之

暴殘

觀其辟

丸也趙盾入諫不聽出亡至于郊趙穿弑公而後反  
趙盾史狐書賊曰趙盾弑公盾曰天乎天乎予無罪  
孰為盾而忍弑其君者乎史狐曰子為正卿入諫不  
聽出亡不遠君弑反不討賊則志同志同則書重非  
子而誰故書之曰晉趙盾弑其君夷皋者過在下也  
稱臣以弑罪在下也不言罪而言過者言非盾親弑有不討賊之過曰于盾也見忠臣  
之至于許世子止見孝子之至盾以亡不越竟反不討賊受弑君之罪忠  
不至故也止以病不知嘗樂受弑父之罪孝不至故  
也春秋加弑于二人以見忠孝不至則被惡名欲使

忠臣觀之不敢惜力孝子觀之必盡其心是將來之遠防也

趙穿親弑其君董狐歸獄於盾曰子為正卿亡不越竟反不討賊非子而誰蓋亡而越竟則賊之不討猶或勢格力屈而莫可如何也反不討賊則志同志同則書重此晉史之文所以合於聖心而以垂大法也况盾受寄託而外求君嗣子之立本非其意及公既長而惡盾之專則君臣之嫌釁已非一朝一夕之故矣故齊商人宋鮑弑君篡國盾皆合

諸侯而不討且定其位則其無君之心蓄之素矣  
盾方出亡而桃園之禍隨作反國之後豈惟不能  
討賊且使穿逆新君是盾處心積慮成於弑也故  
先儒胡安國之言曰以魏高貴鄉公之事觀焉抽  
戈者成濟倡謀者賈充而當國者司馬昭也為天  
吏者將原司馬昭之心而誅之乎抑將致辟成濟  
而止也此義不明則亂臣賊子皆得以詭計獲免  
而至愚無知如鄧扈樂史太之徒皆蒙歸獄而受

戮焉王法乖天理息矣故曰春秋成而亂臣賊子

懼

附錄左傳

初驪姬之亂

在僖四年

詛無畜羣公子

詛盟誓

自是晉

無公族

無公子故廢公族之官

及成公即位乃宦卿之適子而

為之田以為公族

宦仕也為置田邑以為公族大夫

又宦其餘子亦

為餘子

餘子適子之母弟也亦治餘子之政

其庶子為公行

庶子妾子也掌率公

戎行

晉于是有公族餘子公行

皆官名

趙盾請以括為公

族

括趙盾異母弟趙盾之中子屏季也

曰君姬氏之愛子也

趙姬文公女成公姊

也微君姬氏則臣狄人也公許之

盾狄外孫姬氏逆之以為適事見舊

公二十

冬趙盾為旄車之族

旄車公行之官盾本卿適其子當為公族辟屏

李故更

使屏季以其故族為公族大夫

盾以其故官屬與屏季使

為哀

之適

冬十月乙亥天王崩

三年春王正月郊牛之口傷改卜牛牛死乃不郊猶三

望

左傳

三年春不郊而望皆非禮也望郊之屬也不郊亦

無望可也

例在僖三十一年復發傳者嫌牛死與卜不從異

公羊傳

其言之何緩也

成七年麇食郊牛角不言郊牛之用而此言郊牛之口傷者

不若食角急也書者譏宣公養牲不謹敬

曷為不復卜

據定十五年牛死改卜牛

養牲

養二卜帝牲不吉則扳稷牲而卜之

帝天帝不吉者有災先卜帝牲

養之有災更引稷牲卜以為天牲養之凡當二卜復不吉則不郊

帝牲在于滌三月

滌宮名養帝牲三牢之處謂之滌者取其蕩滌清潔

于稷者唯具是視

視具身體具無

災害而已不特養于滌宮所以降稷尊帝

郊則曷為必祭稷王者必以其

祖配王者則曷為必以其祖配自內出者無匹不行



也匹合

自外至者無主不止

必得主入乃止天道幽速故推入道以接之

穀梁傳

之口緩詞也傷自牛作也

牛自傷口非備災之道不至也故以緩詞

之言

事之變也乃者亡乎人之辭也

重發傳者嫌牛死與卜郊不從

也異

諸侯宗廟社稷之祭俎豆既陳聞王及后之喪則廢禮也天王崩於十月告喪於魯史策已書乃斬衰奔赴之時而僭用郊祀所謂失禮之中又失禮也乃不郊者以在滌之牛口傷而改卜之牛又死

也不然郊矣春秋之書微而顯此類是也猶三望者可已不當為之辭

### 葬匡王

四越月而葬其禮略也會葬不書卿微者也書之見王室之微諸侯之慢王也

附錄左傳晉侯伐鄭及邲鄭及晉平士會入盟邲杜注鄭地今河南

延津縣為夏楚侵鄭傳

### 楚子伐陸渾之戎

陸公羊作賁公羊穀梁無之字

左傳 楚子伐陸渾之戎

在伊川

遂至于雒

雒水杜注出上雒冢領山至河

南鞏縣

入河

觀兵于周疆定王使王孫滿勞楚子

王孫滿周大夫

楚子問鼎之大小輕重焉

示欲偪周取天下

對曰在德不在

鼎昔夏之方有德也

禹之世

遠方圖物

圖畫山川奇異之物而獻之

貢金九牧

使九州之牧貢金

鑄鼎象物

象所圖物著之于鼎

百物而為

之備使民知神姦

圖鬼神百物之形使民逆脩之

故民入川澤山林

不逢不若

若順也不遇妖怪不順之物

螭魅罔兩

螭山神獸形魅怪物罔兩水神

莫能逢之用能協于上下以承天休桀有昏德鼎遷

于商載祀六百

載祀皆年

商紂暴虐鼎遷于周德之休明

雖小重也

不可還

其姦回昏亂雖大輕也

言可移

天祚明

德有所底止

底致也

成王定鼎于郊鄩

郊鄩杜注今河南也武王遷之

成王定之

卜世三十卜年七百天所命也周德雖衰天命

未改鼎之輕重未可問也

楚與陸渾之戎本無夙憾今無故伐之而觀兵周

疆且問鼎之輕重其黷驚無王之罪著矣內外傳

皆以楚莊為賢不知其終身之小善不足以蓋此

大惡也先儒以稱爵為褻觀此則知其必不可通矣

夏楚人侵鄭

左傳夏楚人侵鄭鄭即晉故也

晉靈徇貨黨賊以失鄭趙盾合諸侯以侵之而不能服今成公即位息兵踰年而鄭人棄楚即晉蓋知楚氛日熾有蠶食陳鄭之心而欲依霸國以自固也

秋赤狄侵齊

地譜洛州春秋赤狄之地赤狄始見經

赤狄隗姓其地在潞州以北近晉而遠於齊忽舉  
侵齊之師知晉之無能為也楚橫於南狄擾於北  
以中國之無霸耳

宋師圍曹

左傳宋文公即位三年殺母弟須及昭公子武氏之謀

也使戴桓之族攻武氏于司馬子伯之館盡逐武穆

之族

事竝在文十八年

武穆之族以曹師伐宋秋宋師圍曹

報武氏之亂也

宋鮑募弑得國逐武穆之族二族以曹師伐宋春  
秋不書非討罪不足書也鮑不知自反恃衆彊以  
逞志於曹不待貶而惡見矣

冬十月丙戌鄭伯蘭卒

左傳冬鄭穆公卒初鄭文公有賤妾曰燕姑姑南燕姓夢天

使與已蘭蘭香草曰余為伯儵余而祖也伯儵南燕祖以是

為而子以蘭為女子名以蘭有國香人服媚之如是媚愛也欲令人

愛之如蘭既而文公見之與之蘭而御之辭曰妾不才幸

而有子將不信敢徵蘭乎懼將不見信故欲計所賜蘭為懷子月數公曰

諾生穆公名之曰蘭文公報鄭子之妃曰陳嬀鄭子文公

叔父子儀也漢律淫季父之妻曰報生子華子臧子臧得罪而出出奔宋

誘子華而殺之南里事在僖十六年南里杜注鄭地使盜殺子臧于

陳宋之間在僖二十四年又娶于江生公子士朝于楚楚人

酖之及葉而死葉杜注楚地南陽葉縣南有古城又娶于蘇生

子瑕子俞彌俞彌早卒洩駕惡瑕洩駕鄭大夫文公亦惡



之故不立也公逐羣公子公子蘭奔晉從晉文公伐

鄭在僖三十年

石癸曰

石癸鄭大夫

吾聞姬姑耦其子孫必蕃

姬姓宜為一配耦

姑吉人也后稷之元妃也

姬姓之女為后稷妃周是以興

故曰吉人

今公子蘭姑甥也天或啟之必將為君其後必

蕃先納之可以亢寵

亢極也

與孔將鉏侯宣多納之盟

于太宮而立之

太宮鄭祖廟

以與晉平穆公有疾曰蘭死

吾其死乎吾所以生也刈蘭而卒

傳言穆氏所以大興于鄭天所啟也

葬鄭穆公

穆公羊作繆

不月闕文也葬速禮不備也

四年春王正月公及齊侯平莒及郕莒人不肯公伐莒

取向

郕國名今山東郕城縣西南有故城取向杜注莒邑累宇志莒州南有向城今屬山東青州府

左傳四年春公及齊侯平莒及郕莒人不肯公伐莒取

向非禮也平國以禮不以亂伐而不治亂也

責公不先以禮

治之而用伐以亂平亂何治之有無治何以行禮

公羊傳

此平莒也其言不肯何辭取向也

為公取向作辭也

穀梁傳

及者內為志焉爾平者成也不肯者可以肯也

伐猶可取向甚矣莒人辭不受治也伐莒義兵也

討不釋怨取向非也乘義而為利也

周官合方氏掌除邦國之怨惡則釋四鄰之怨而成其好固義所當為也然必已之義可以服人然後人能降心以相從魯宣齊惠身為大惡苟有人心者莫不藏惡况莒邾相怨魯乃挾齊之威要以必從則莒人之不肯宜也又以兵加莒而取其邑則惡甚於齊惠矣

秦伯稻卒

夏六月乙酉鄭公子歸生弑其君夷

左傳楚人獻鼃于鄭靈公

穆公大子夷也

公子宋與子家將見

宋子公也子家歸生

子公之食指動

第二指也

以示子家曰他日我

如此必嘗異味及入宰夫將解鼃相視而笑公問之

問所笑

子家以告及食大夫鼃召子公而弗與也

欲使指動

無效子公怒染指于鼎嘗之而出公怒欲殺子公子公

與子家謀先

先公為難

子家曰畜老猶憚殺之

六畜

而況君

乎反譖子家子家懼而從之夏弑靈公書曰鄭公子

歸生弑其君夷權不足也

子家權不足以禦亂懼譖而從弑君故書以首惡

君子曰仁而不武無能達也

初稱畜老仁也不討子公是不武也故不能自

通于仁道而陷弑君之罪

凡弑君稱君君無道也稱臣臣之罪也

鄭人立子良

穆公庶子

辭曰以賢則去疾不足

去疾子良名

以

順則公子堅長乃立襄公

襄公堅也

襄公將去穆氏

逐穆氏兄弟

而舍子良

以其謀已

子良不可曰穆氏宜存則固願也若

將亡之則亦甘亡去疾何為乃舍之皆為大夫

歸生身為正卿久執兵柄聞宋之逆謀執而誅之  
猶反手耳宋有逆志而與歸生謀先必知其夙有  
無君之心也聞而不禁則賊由歸生審矣觀鄭人  
討亂斲子家之棺則當時國論固以為首惡非孔  
子作春秋而後歸獄也

### 赤狄侵齊

以齊之彊而泓州之狄連歲侵之晉霸之衰與齊  
之無政竝見矣

秋公如齊公至自齊

宣公篡弑齊實縱之故既以田賂復僕僕而往朝  
焉會盟書至始於桓公之盟唐朝大國而書至始  
於宣公之如齊蓋由二公身為大惡有自危之心  
以得返為幸故特行飲至之禮耳

附錄  
左傳

初楚司馬子良生子越椒子文曰

子文子  
良兄

必殺

之是子也熊虎之狀而豺狼之聲弗殺必滅若敖氏  
矣諺曰狼子野心是乃狼也其可畜乎子良不可子

文以為大憾及將死聚其族曰椒也知政乃速行矣

無及于難且泣曰鬼猶求食若敖氏之鬼不其餒而

而語助  
言必餒

及令尹子文卒鬬般為令尹

般子文之  
子子揚

子越

為司馬

子越即  
越椒

為賈為工正諧子揚而殺之子越為

令尹已為司馬

賈為椒諧子揚  
而已得椒位

子越又惡之

惡  
賈乃以

乃以

若敖氏之族圍伯嬴于轅陽而殺之

圍內也伯嬴為  
賈也轅陽杜注

楚遂處丞野將攻王王以三王之子為質焉弗受

丞野

杜注楚邑三  
王文成穆

師于漳澁

漳澁杜注漳水邊漳水出新  
城汭鄉縣至當陽縣與沮水



合秋七月戊戌楚子與若敖氏戰于皋澨注皋澨杜伯

棼射王汰輶及鼓跗著于丁寧伯棼越椒也輶車轆汰過也箭過車轆上

跗所以架鼓丁寧鉦也又射汰輶以貫笠轂兵車無蓋尊者則邊人執笠依轂而

立以禦寒暑名曰笠轂此師懼退王使巡師曰吾先言箭過車轆及王之蓋

君文王克息獲三矢焉伯棼竊其二盡于是矣所以釋楚

師之懼心鼓而進之遂滅若敖氏初若敖娶于邲邲杜注國名今

湖廣安陸縣有鄆城生鬬伯比若敖卒從其母畜于邲淫于邲

子之女生子文焉邲夫人使棄諸夢中夢杜注澤名江夏安陸縣

有雲夢城今湖廣雲夢縣治

虎乳之邳子田見之懼而歸夫人以

告遂使收之楚人謂乳穀謂虎於菟故命之曰鬬穀

於菟以其女妻伯比實為令尹子文其孫箴尹克黃

箴尹官名克黃子揚之子

使于齊還及宋聞亂其人曰不可以入

矣箴尹曰棄君之命獨誰受之

言雖奔他國獨誰受此棄命之人

君

天也天可逃乎遂歸復命而自拘于司敗王思子文

之治楚國也曰子文無後何以勸善使復其所改命

曰生

易其名言更生

冬楚子伐鄭

左傳冬楚子伐鄭鄭未服也前年楚侵鄭不獲成故

胡氏安國謂歸生弑君諸侯未有致討者而楚人至焉故書爵以與之然商臣之次厥貉楚子旅之觀兵問鼎竝以爵書則春秋無以書爵為褒之義明矣自宣成而下楚勢益張故君將則稱君大夫將乃稱人耳

日講春秋解義卷二十七